

T4996/8257(7)

以力服人者非

服也如七十子之服孔子也

力屈者服不誠異乎聖門之心服矣夫以力服者服其心其心固

未嘗服也若以德則中心悅而誠服矣觀於七十子之服孔子而

所謂在德不在力也益信若曰今之世小役大弱役強矣究其所

以役者蓋迫於不得已耳非其心之鼓舞嚮慕也夫鼓舞嚮慕本

人心之所同然。有至德興。則相為感召。不介而孚之化。王道卽與
聖道相通。而翹企尼山。儼若身親。其際已。吾言王不待大。而尚稽
湯文。夫湯文固以德行仁者也。非以力假仁者也。說者曰。湯之懋
昭大德。必繼以戮力同心。文之小邦懷德。必先以大邦畏力者。意
湯文之服人。或亦德力並用乎。不知九有式圍。三分有二。集共球
於下國。來虞芮之質。成人之服。湯文也。固在德不在力歟。且所謂
戮力畏力者。亦後人揚厲之詞耳。而豈若今之以力服人者哉。有
并吞囊括之心。而復濟之以暴戾恣睢之氣。則鞭箠列辟。孰不相
下焉。而懾其威。有表裏山河之險。而更益之以甲兵士馬之雄。則
號召諸侯。孰不相率焉。而懼其勢。噫。服則服矣。試問其所服者。果
出自中心乎。果出自中心悅而誠服乎。蓋非也。力不贍也。惟然則
以德服人者。遠矣。蓋天下同得之理。並不藉刑驅勢迫。始相見以

性天其素所感孚者切也。夫春秋責貢冠帶書詞，此不過爭雄圖
伯之為，豈足以動人感慕。我觀桓撥以揚武烈，而哀荆采入四夷，
並震其聲靈，知聖王撻伐張威，實寓乎慈祥愷悌，而威權不事，早
克收立道綏動之休，抑天下同好之情，更不待智馭術加始相孚，
以肫厚其素所浹洽者深也。夫割地請和，望風納款，此並非慕義，
向仁之舉，初何能輸厥悃忱。我觀赫怒以肅軍威，而整旅遏徂大
國，羣深其謹畏，知聖人專征受命，不假乎要結牢籠，而德澤旁流，
早自展老安少懷之器，蓋以德服人，則中心悅而說服也。不然如
孔子者，一東魯布衣耳，非有服人之權也。非有服人之勢也。而七
十子之在門牆者，顧乃翁服如斯，斯可知服人之在德不在力矣。
所以杏壇一席，已如開王會之圖，而當時之羣相率從，曾何異雲
霓慰望，卽觀木鐸千秋，已如振鼓鐘之響，而當日之翕然樂附，固

只

用、

依然疏附後先、謂予不信、請更讀有聲之詩

賦得桐葉知閏
得知字五言八韻

二六梧桐葉、居然閏月知、得三占掛、抄添一數、參差生小、今

年早歸餘積歲遲、分青符子律、合翠上孫枝、清雨零攬整、迎

風耦間奇、花開秋未老、圭測景初移、厄笑黃楊未靈、誇碧藕

宜、何如階下茨、藉以授人時

六術五權論

夫聖人之御天下也、其制治也有本、其立政也有原、是以俯察仰

觀、參乎天地、因時制事、酌乎物情、所以示天下於大同、垂良法於

不敝也、余嘗考之六術之章、成於堯世、五權之義、載在周書、其事

深切著明、誠非後世所及矣、乃說者謂六術專言象數、五權徒論

貨財、蓋消息盈虛、不無杳渺、即生為食、亦屬權謀、此或非聖世

所有也。不知人時敬授。已見尚書士會之頌。且詳周禮。殆非無所
為。而然乎。而說者又謂易象詩書。賈誼以為大義。銖兩鈞石。漢書
所以均平。則六術或不得以氣象名數。五權或未可以貨財訓也。不
知日月星辰。中古聿開其圜。地物鄙庶。三代始定其規。攷史徵文。
確乎不易。即謂天遠人邇。未必周知。地大物博。難以枚舉。然玉衡
齊修。罔者莫越其圓。度量垂型。官人者必遵其軌。此則於今為烈。
而振古如茲者也。固宜乎帝德有配天之號。王者猷大居正之名。揆

研乎不易即謂天遠人遠未必則知地大物博

而無古以茲者也固宜乎帝德自通天之際王後天武王之公孫